

INTEMPESTIVÆ N I V I S SPECTACVLVM.

Oratio habita Nonis Augusti in Basilica Vaticana.

A D

EMIN.^{VM} ARCHIP.^{VM}

ET ILLVSTRISS. CANONICOS

EIVSDEM BASILICÆ

A Io: Dominico Bartoluccio Rom. Seminarij Vaticani Clerico.



(comp.)



fran.

INTERPRETIVE

N I V I S

SPECTACULAR

Chapman & Co. Ltd. 10, Old Bailey, London, E.C. 4

A D

REMARKABLE

ET ALIIS. CANONICAL

REVISION. PUBLISHED

A. D. 1917 (London: Chapman & Co. Ltd.)



EMIN^{mo} ARCHIPRESBYTERO
 & Illustrissimis Canonicis
 Basilicæ Vaticanæ.

IOANNES DOMINICVS BARTOLVCCIVS F.



Eminarium hoc Vaticanum (Princeps Eminentiſſime, & Illuſtriſs. DD.) liberalitate veſtra nuper excitatum, & eadem quotidie alitum, Vobis Auctoriſs, Dominis, ac Patronis ſuis, hoc qualecunque ſit, IN-TEMPESTIVAE NIVIS celebratum SPECTACVLVM, tanquam ſtudiorum Primitias offert, dicat, ſat

erat: cui si iugiter hæc vestræ Benignitatis Aura spirabit, sperabit utique, se maiora editurum in dies. Verum quam accepistis orationem, potius à spectatore admirabundo, quàm à deserto oratore peroratam accepistis. Ecquis esset verborum parcus, ubi, tam liberalis in terras est cæli profusio? Quis incultè, ac simpliciter dicere perhorresceret, ubi vel ipsa nouitas facti, vel innata Nivis pulchritudo nullius aduentitij indiga pigmèti orat per se. Interim orationem hanc gratitudinis, in vos, & observantiæ candidum argumentum, ut à non fucatis animis proficiscitur, ità humanitate illa excipite, qua beastis eandem, dum audiretis, excipite quod vestrum est beneficium, & Valete.

Laben-



Abentis è Cælo Niuis nocturna
miracula (Eminentissime Prin-
ceps, & Illustrissimi DD.) infan-
tem Oratorem ad dicendum
euocarunt, qui in isto confessu
nè tria quidem verba auderet
proferre, nisi Niuis huiusce candor ingenuus, vt
nullum fucum, nullum aduentitium decorem ad-
mittit, me simpliciter, & rusticanè ad perorandam
animaret tanti dignitatem spectaculi. Per vos igitur
liceat mihi impræsentiarum teneræ vocis offi-
cio venerari, quod omnium singulari depluit be-
neficio: vbi quo mea non fulgebit splendore, eum
à Niue mutuabitur oratio, fortasse placitura magis
facti nouitate recensita, quàm vlllo verborum adhi-
bito delectu.

Non patiebatur amantissimus hominum Deus,
Vrbem hanc totius & Orbis & Ecclesiæ caput dul-
cissimæ Genitricis suæ maiori, ac peculiari patroci-
nio non communiri: Montis proinde partem in Ex-
quilijs ad excitandum eidem templum noctu arden-
tissimo æstatis calore conspersit Niue, vt tantæ Vir-
ginis,

ginis, & illustrioribus, & frequentioribus exornaretur beneficijs; & sic ab Exquilino exulāti mortalitati suppeterent leuamenta; vti à Vaticano æternæ vitæ oracula reddebantur; Circumscripsit itaque aream, sed suam hominis iuuandi voluntatem non coarctauit. Breuis fuit ambitus agri, sed immensa diuinæ bonitatis apparere confinia.

Nocte autem, & æstiuo tempore Nix intempeſtiua delabitur, & delabitur illæſa; nimirum nequit tellus cæli reluctari decretis: delabitur Mariæ indicatiua Virtutum; sola enim Maria inter noxarum tenebras miserationis diem nouit serenare, sola Maria vehementissimos peccatorum valet temperare calores. Non potest culparum feruor diuinæ gratiæ rorem eliquare, quæ, vt nouit congelata vitijs pectora calefacere, nouit itidem animæ adustiora viscera leni refrigeratione solari. An non videtis, vt febricitanti mundo præstò sunt leuamenta caloris, ardoris temperamenta? Ea vbera virginis, quæ adulta hieme, nocte intempeſta nato Deo lac exhibere, eadem hanc cælestium charismatum inundationem in pereuntem vniuersitatem iam deriuare non dedignantur.

Nix ista decidit in montes, quia sanctissima Virgo non in abiectis impurorum animis, sed in generosis candidorum pectoribus suum habet hospitium; quia virginитatis cultores, & publicos conspectus, & platearum debent euitare frequentiam. Mons ille
vanæ

vanæ olim superstitionis domicilium, nunc efficitur
veræ religionis habitaculum; nouæ gratiæ diuerso-
rium; summæ officinæ pietatis, Asylum miserorum
mortalium, & portus suspiratæ salutis.

Felicioꝛ igitur exquilinus mons Niuis huius locu-
pletatus thesauris, Tarpeio cliuò Orbis totius exuuijs
adornato; glorioꝛ Roma hac Mariæ candidata,
Niue, quàm tot triumphatorum Regum decorata
spectaculis. Ista (Auditores) ista niuis candida pul-
chritudo mihi me totum rapit; ista (quæso veniam)
nunc infantiam orationis meæ ad dicendum piè fa-
cit audacem.

Mundo Euangelicis oratoribus indigente, igneis
in linguis sol iustitiæ Deus pluuius apparuit, & lucis,
& ignis corruare fluenta videbatur. Ecclesia verò in
fide iam adulta fecundanti cælestium donorum ro-
re irriganda, misericordiæ Mater pulchra, vt luna li-
berali niuium imbre illabitur, & in niueos flocculos
profusa, suis videtur impluere leuamenta. Ni dicas,
flocculos illos tot esse gemmas ad exornandam no-
uam Deiparæ Regiam. Nulla nox profectò nobi-
liori gemmauit baccata rore. Quid mirum, si sunt
gemmea Tyrocinia Mariæ? Vel dicas, cæli tot lin-
guas esse, quæ mortales omnes ad pium excitent
Mariæ obsequium, vt Magos ad Christi adoratio-
nem, stella illa, tanquam cælorum lingua eloquen-
tissima aduocauit. Ni velimus, tot sydera esse, quæ
firmamentum natalem sedem obita, nonumque
signum

signum comitata semetipsis terram insigniant, eamque stelligeram, cælique æmulam faciant. Alieno lumine non eget hæc, tanto Nivis illuminata candore. Felicissima Nox, omnium ideò tranquillissima, quod Nix ista te quavis die gloriosius illustravit, cum tuis in tenebris inaudito miraculo præcelsæ Genitricis Dei cultus hoc in Monte, hac in Vrbe excitatur, fundatur, propagatur.

Sed quid est, quod adlabente cælitus hac Nive totus indormit mundus, nisi quod securus est somnus, vbi inuigilat Maria? Noctu Nix ista delabitur, quando mortales diurno ab opere feriantur, nunquid fertilia non debent terrarum opera cessare, dum cælum operatur? Noctū Nix delabitur ista, quando omnia graui sopore obruta conticescunt; & verè loquente cælo nouis miraculis debet terræ filere. Sed quæ (Auditores) edormit cæca mortalitas, ea nimum, atque nimum vanissimis huius mundi somnijs inuigilauit.

Verum Nivis huiusce dum glorias decanto, nescio quem è tænarijs claustris æstuosum ventum sentio de bacchari. Erumpe infernalis Auster, erumpe, tuisque perditissimis flatibus tartareos perfla calores, verbera Nives istas, vrge, dissolue, si potes: exurge tu quoque sol tanto Niuum spectaculo inuidus, tanto pudibundus candore, torre ignitis radijs, vrge, vt lubet; tuis æstibus hæud quaquam eliquare poteris, quod non sydus hibernum, sed pietas Mariæ læto prodigio coegit.

Niualis

Niualis hæc tempeſtas non ex illis exiſtimetur aureis diluuijs eſſe; vt fabuloſa cecinit vetuſtas; Argenteum diluuium ad proſeminanda inter mortales ſemina puritatis. Inſudent Argonautæ, vaſta Mariæ percurrant ad velleris Aurei rapinam; nobilius hîc Vellus candicat argenteum, nempè Virginis patrocinium cadente, & candente hæc Niue modo nobis diuinitus præmonſtratum; cuius, vt inæſtimabile pretium, ità adeptio facillima. Vellus hoc Niueum, Vellus eſt Gedeonis matutino rore repletum ad futuræ ſignificationem victoriæ. At quid aliud portendit hæc Nix nouus cæli partus, niſi in Deiparam obſeruantix dignitatem? quid ille candor, niſi tantæ Virginis puritatem? quid illa refrigeratio, niſi efficaciam patrocinij Mariæ? Vnde ſi niue ſæcundantur arua, augentur meſſes, tritici exuberat prouentus; ità Mariæ præſidio vernant flores ſanctarum cogitationum; piorum operum multiplicantur fructus, & animæ nouis ſemper cumulantur donis. Nix eſt Serenitatis prænuncia, & Mariæ Deuotio euidentiffimum ſalutis eſt ſymbolum.

Sed, vt olim (Auditores) apud Romanos candidati accedebant officia, & magiſtratus petaturi; ità nos priſcorum more, & animæ, & corporis petaturi ſalutem vno vitæ dealbati candore accedamus ad Virginem: quando beata Virgo beneficia, & gratias elargitura, nunc ſuos ad Romanos vltro candidata, deſcendit.

L A V S D E O.

[The page contains faint, illegible markings.]


10 11 12 13 14 15



ROMAE, Ex Typographia Bernardini Tani.

M D C X X I X.

SVPERIORVM PERMISSV.



ROMAE, Ex Typographia Bernardini Tanti.

M D C X X I X.

CAVALIERIUM FERMISV.

